



Mitit piniarneqartarnerisa sivitsorneqarnissaannik Naalakkersuisut peqquneqarnissaannik Inatsisartut aalajangiiffigisassaattut siunnersuut.

(Inatsiartunut ilaasortaq Jens NapätôK', Naleraq)

(Siullermeerneqarnera)

Kitaani kangianilu piffissami aalajangersimasumi mitit manniinik katersisarnermik ammaassisoqarnissaannik Naalakkersuisut peqquneqarnissaat pillugu Inatsisartuni aalajangiiffigisassatut siunnersuut.

(Inatsiartunut ilaasortaq Jens NapätôK', Naleraq)

(Siullermeerneqarnera)

Mitit Nunatsinni nerisannaajupput mamarilluarneqartut, taamaattuaannartariaqarporlu. Taamaattumik pingaartuuvoq, qulakkiissagipput, piniarneq nungusaataannngitsumik imatut ingerlanneqassasoq, kinguaariit tulliuttut timmissamik mamartorsuarnik nerisinnaaqqullugit.

Pingaartuuvoq, mitit piniarneqartarnerisa sivitsorneqarnissaata mitillu manniinik katersisarnermik ammaassisoqarnissaa pitsaasumik oqimaaqatigiinnissaanik qulakkeerinniffigineqqarnissaat. Demokraatit taakku marluk tamaasa isumaqatigaat, nungusaataannngitsumilli pinissaa piumasaralugu.

Isumaqarpugut, piniartut biologillu siunnersuutit uku misissornissaanni peqataatinneqassasut. Siunnersuutigaara, Aalisarnermut-, Piniarnermut- aamma Nunalerinermut ataatsimiititaliap sulinissamini pineqartoq pillugu kattuffiit attuumassuteqartut aggersassagaat, ataatsimoorluta allannguutissat ilusilersorniassagatsigit, pitsaalluinnartumik oqimaaqatigiittussaassammat.

Paasinnilluta siunnersuutit Aalisarnermut-, Piniarnermut- Nunalerinermullu ataatsimiititaliamut suliarisassanngorlugit innersuuppagut.